

...zi wa Nishati, Dkt. Medard K...mani (katikati) akipata maelezo kitoka kwa mkandarasi anayetokeza...
umeme kutoka Makambako hadi Songea wakati akikagua utekelezaji wa mradi huo ambao tayari umekamilika. Zaidi ya shilingi bilioni 9.1 za mafuta mazito yataokolewa kutokana na mradi huo ambao unategemea kuanza wakati wowote kuanzia sasa. Na Mpigapicha Wetu

Taasisi yajipanga kuzalisha dawa ya kuuwa wadudu

Na Penina Malundo

■ ■ TAASISI ya Kimataifa ya Kilimo cha Kitropiko (IITA), ina mkakati wa kuanza kuzalisha dawa aina ya Aflasafe ya kuuwa wadudu wanaotokana na mazao ya nafaka, ikiwemo mahindi na karanga ili kuepokana na gharama za kuagiza nje ya nchi.

Akizungumza Dar es Salaam juzi Mkurugenzi wa Shirika la Dalberg GLobal Development Advisors and Chemonics, Steve Kisakye wakati wa mkutano wa wadau wa kujadili jinsi ya kuanzisha dawa hiyo, ambayo itakuwa mkombozi kwa wakulima.

Kisakye alisema, dawa hizo zikianza kuzalishwa nchini zitapunguza gharama za kuagiza dawa nje ya nchi na pia zitasaidia wakulima kuzipata kwa wakati na urahisi, ikiwa ni pamoja na kuleta tija katika uchumi wa kati

wa viwanda.

"Kuagiza nje, dawa ni gharama, tutatengeneza hapa hapa nchini ili tuweze kuwafikia wakulima ambao ndiyo wahusika wakuu kwa wakati na kuleta tija katika uchumi wa viwanda," alisema Kisakye.

Aliongeza kuwa sumukuvu ni ugonjwa mbaya, ambayo aina rangi, harufu wala ladha inajulikana kwa kuleta madhara kwa binadamu kama vile saratani ya ini na huingia mwilini kupitia njia ya chakula, pia ikiwa nyingi husababisha kifo.

Alisema, pia sumukuvu husababisha udumavu kwa watoto na kupunguza kinga za mwili, mifugo huathiriwa pamoja na kuathiri soko la ndani na nje ya nchi.

Kwa upande wake Mkurugenzi wa Taasisi ya Kimataifa ya Kilimo cha

Kitropiko (IITA), Dkt. Victor Manyong alisema Aflasafe imetengenezwa kwa kutimiza fangas, au kuvu asilia jami ya 11 ambayo hupatikana kwenye udongo na masalia ya karanga na mahindi shambani.

Alisema, Aflasafe ina mjumuiko wa fangasi wasio na uwezo wa kuzalisha sumukuvu, fangasi hao na kuwaondoa fangasi wanaozalisha sumukuvu hiyo husaidia kupunguza sumukuvu kwa asilimia 80 hadi 90 katika mazao ya mahindi na karanga.

Wakati huo huo, Ofisa Kilimo Mkuu kutoka Wizara ya Kilimo, Betrice Pallangiyi aliwashauri wakulima kuvuna mahindi yaliyokauka na kuyaanika kwenye maturubai, ili kuepokana na sumukuvu.

Kwa upande wake Mkurugenzi Mtendaji wa taasisi ya Aflatoxin Technology Transfer and

Commercialization Initiative (aTTC), Abdou Konlambigue alisema kwa kutumia teknolojia hiyo Tanzania itajihakikishia kuwa na chakula salama kwa matumizi ya ndani na kufika kiwango hitajika cha usafirishaji wa mazao nje ya nchi.

Alisema, taasisi ya aTTC, imetengeneza mkakati wa kuwezesha teknolojia hiyo kuzalishwa kibiashara kwa msaada wa kiufundi wa Shirika la Kimataifa la Dalberg Global Development Advisors and Chemonics.

"Mchakato wa kusajili teknolojia hiyo kwenye Mamiaka ya Taasisi ya Ukaguzi na Udhhibiti wa Viwafitifu (TPRI), unakaribia kukamilika na huamishaji wa teknolojia kutoka IITA kwa ajili ya kuzalisha kwa wingi kupitia aTTC, ili wakukima wataidika," alisema.